



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 三二三

絳跼閣詩稟十一卷 諸錦撰

一

連理山人詩鈔十七卷（金石集四卷江淮集三卷京華集

二卷關河集五卷瀟灑集三卷） 方正璣撰

一五五

水南先生遺集六卷 程嗣立撰

三六五

蓮峰文選二卷蓮峰詩選二卷 閻廷玠撰

四三一

九宮山人詩選二卷 閻介年撰

四八七

寄閒堂詩集八卷 明德撰

五二九

樸廬詩稿一卷附毛孺人詩題畫詩鈔一卷林屋詩餘一卷

論畫正則一卷 王愔撰

六二九

鷲音集四卷首一卷附遣興集一卷逸詩百聯一卷 黃正維撰

六六七

絳跼詩集



言為心聲詩文尤言之精者也其詩文隨事軌轍猗靡委瑣滑若榆沈旋若閨輟其人必脂韋頽墮其詩文鹵莽淺陋謹嗽凌暴如蛇之肆如蟹之躁其人必險詖桀暴其詩文取青妃白駢枝疊出惟事冗長莫知翦截其人必闢茸陋劣其詩文庀言繁稱掇拾附綴浮聲繡節昏儂排比其人必貪冒穢鄙以此衡人百不失一也吾友嘉禾諸子余獲交十餘年其為人孤立行一意其中穆然簡靜專壹過不可輒義形于色弗隨俗婢阿于人世榮華聲利視之泊如也所著詩文摘擢胃腎扶摘者微窈然而深淵然而醇摠幽發粹而和以天倪皆味道之高言非屑屑焉矜才炫博者昔之聞人超世邁俗雖亡失衣冠顛墜坑岸而弗以為病今世貪常嗜瑣士稍殊

絳跼詩集

原序

俗眾即咻之夫詎知非卓犖之人不能為卓犖之詩文諸子胃緼恢奇浚于世味左官山郡不以為戚再入承明不以為欣惟力蘄至于古之道明言立者今親見揚子雲者或不知敬而後之人讀諸子之詩文固可以想見其為人矣夫乾隆庚申八月望後四日同學弟錢唐鄭江謹序

余庚子同年多通經汲古之士同郡中則以諸君襄七為最夫讀書之難非徒屑屑焉記名物逞才辨而已將從聖賢之言實體諸人倫日用而默會夫性與天道之大原不然以龍門之史筆猶病擇焉弗精以昌黎之文起八代而言仁言義識其用未究其體故自瀛洛闕閩諸儒迭起然後性理大明天人一貫此吾儕讀書者之厚幸也至若詩之為道在六經

中尤易於感人心扶世教乃三百五篇童而習之不能釋其義審其音往往拾溫李之藻麗效石湖誠齋之清新以自詡其標格噫沿流昧源即詩家之廊廡尚難位置況欲登其堂入其室耶襄七少孤奉慈母九熊之教苦辛誦讀其至性已大過人矣復能事賢友仁凡鄉邦之利器引為琢玉雕金之助故其今古文雜著皆言近指遠根柢深而英華自茂微獨擅長于詩顧即其詩觀之體源六義而音節之古直逼兩漢魏晉雖唐人所稱善鳴者奚能過焉襄七與余近復同館余嘗推重其才以為讀書種子蓋相知久而相期者遠也世有解人寧河漢我言乎哉時雍正四年丙午春孟當湖年弟陸奎勳拜序

陸附閣詩彙

二

原序

詩也者中聲之所止也古詩三千篇孔子取可施于禮義者三百五篇以合于雅頌韶武之音為詩之權輿一變而為楚騷曼聲激越其音節雖若廢古而忠誠悱惻要無拂乎性情之正降自漢魏三唐能者輩出皆本于情之不容己以鎔以裁興高采烈極之榮華肖天秀而有司契為匠者存故詩不本性情非詩也然必隱秀相間抑遏蔽虧使不白之旨嘗見于言表覽文如詭而尋理即暢不顯然示人易曉而長言詠歎之際皦然有當于人心乃為作者極致浙西諸子襲七少負文譽為諸生時已昌其詩主吟社壇坫余弟苻洲視學于泐試詩古文辭歎為國士諸子旋充鄉賦試中書授官掌綸誥甲辰提南宮適當

聖天子稽古右文之時

親試于保和殿選館職操觚之士多竊錄諸子詩為程式顧諸子為詩本四始五際勿屑屑儷花開葉取青妃白以博夸譚嚙吼古澹幽異若深林邃谷冲和雅正若頌琴廟瑟已冬出集示余且屬為序夫諸子之詩馳聘百代含英咀華和其聲以鳴國家之盛余羸老何能作諸子之皇甫元晏然諸子嘗撰七愛詩首章即以見屬謬以汝南月旦相推殆謂余雖蕪陋追訓誥之雅麗屏鄭衛之淫蠅竊有志焉誦其所聞不盡垂于作者之旨乎爰呵凍屬辭傳諸副墨附于簡端新安世弟汪灃

陸附閣詩彙

三

原序

曼倩之飢虛偶困采薪比馬卿之渴甚霜雪洞聊為避俗之人藥梳茶瓢孰是銷愁之物而秀水襄七諸先生公車北上人覓孝廉旅舍中分余逢名士投風簷之新製勺藥三章出雪案之叢編蒲桃百軸劃沙垂露既精行草于鍾王咀雅如騷更擅風情于蘇李以故揣摩稍暇輒咏浴生帖括餘閑便吟梁父馬躑躅背霏霏擁雪之篇驚埃鳥亭望望瞻雲之句特是世多偽體人鮮別裁非目飢以耳傭即效顰而學步希聲大厓拾杜陵之賸炙殘羹依樣元和收昌谷之敗鱗頑甲黃魯直既新而欠穩賈浪仙亦餒而附寒自鄧無譏下唐不讀而先生體源漢魏出入齊梁宋鸞黃驄解以艷趣而不亂疑笳疊鼓讀之企喻以成聲蓋騷壇靡不兼收而樂府尤

為獨詣驚神動鬼王郎斫地之歌體震魂搖簡子鈞天之奏而禧也汗青有志頭白無成甫半月之數祗不兩旬而判袂春暉日麗君將攀上苑之花白舫青簾即贈句語我且濯西川之錦時康熙六十年辛丑春正月之二十一日南吳年家眷全學弟徐元禧世起氏拜序

古大賢名儒以文章事功垂之後世者多出於少孤而家貧蓋身不極困不能作勃興之氣境不極危不能通萬彙之變吾嘗求之當世雖頗有其人往往奪于情欲衰靡不振卒之潦倒自放無以異于衆人是故操心慮患在人或可以自必而天之所以賦其才以成就之者必非其人不與也秀水諸襄七氏早年成于賢母之教所居陋巷小樓上雨旁風襲薪

絳跼閣詩稟

四

原序

瓶粟時或不給而能挺拔自異人憂不足已樂有餘力學攻苦謀脩脯之資潔白以養其親其志潔其行芳作為文章其書滿家磨研精密志欲期古人于千載之上而不屑為腐生俗儒之所喜富貴利達者之所羨天資既高閱覽博物懸解旁溢觸處皆成名通故其發之于詩醞釀百家撈籠一切以靈奇淵奧之筆吐壘塊結轡之臂而又能擬議以成其變化經營以致其匠心其于古昔諸大家辨香必自有在而終不能測其底蘊天下奇寶固當與天下共之使之成一代聞人磨礪後學啟金石之匱挾墳典之微斯為不朽盛事而曠觀斯世又何其難也昔人有言親見揚子雲祿位容貌不能動人又況以其爾雅之詞深婉之致進于懷遺拾瀟東望西抹

絳跼閣詩稟

者之前能不盍然而笑然則世之知襄七者縱猶在若有若無之間而神超象外境絕寰中固已獨有其千古矣襄七之詩自吾論之在退之永叔之間而其少而孤而阨窮又極相類以襄七樂道好學歌南陔應北堂天必有以成之使追蹤先哲希風後進草廬一編固起衰之遺響窮工之正聲以垂來者不於是乎視準哉子瞻稱魯直曰文絕當世行配古人斯則吾之信襄七可必之于天者也貴池同學弟吳銘道序以粟一釜熟而為飢攫而散之屑麴以和之手掬而壘諸器窪其中央隆其四周然後束以草圍蘊以薪茅越三宿而氣蒸蒸然簇覆而視之則油然醺也而彼儉者則竊竊然笑之曰吾安用是瑣瑣者為吾量水而貯之盎中杓而飲之名客而觴之亦足於獻酬矣蓋調然莫不自以為醺也夫醺之於水相去亦遠矣而卒致然者則不知味之故也又況醺之於醕與若諸君襄七之詩庶幾其能為醕者矣夫醕之為道有物有事有候三者缺一則皆不足以成醕吾知襄七固嘗消息乎三者之中而得之矣若世之人則未嘗身歷而亦能為者也夫不身歷其中而漫然為之亦惡在其為醕也哉而何況於醕康熙五十有八年歲在己亥正月吉旦同里徐天秩拜手序

絳跼閣詩稟

五

原序

清代詩文集彙編

絳跼閣詩彙目錄 乾隆壬午夏孫

第一卷

學古集 八十七首

近遊集 七十六首

第二卷

空舲集 六十二首

虛白集 六十七首

第三卷

岑蒿集 一百六十八首

第四卷

紫微集 五十九首

絳跼閣詩彙

河清集 四十六首

鞭鷹集 二十九首

第五卷

梅石集 二十九首

三秀集 三十首

朝天集 五十首

第六卷

鴻硯集 四十四首

養疴集 六十五首

第七卷

松下集 六十五首

目錄

使閩集 五十二首

來諭集 四十三首

第八卷

瀛臺集 四十六首

井陘集 三十五首

盤桓集 五十首

第九卷

三水集 二十二首

昇平集 二十四首

使黔集 七十六首

羊羹集 四十四首

絳跼閣詩彙

第十卷

鷗鷺集 四十三首

扈駕集 三十八首

齋房集 四十三首

第十一卷

遂初集 八首

迎鑒集 四十一首

游藝集 三十三首

泮宮集 三十一首

王路集 十六首

二

目錄

受業嘉興徐士鳳

編寫

絳跗閣詩彙卷第一 康熙甲申至甲午

秀水諸 錦草廬著

受業

雲都管 樂

子壻范 成

寓言五首

學古集

純鉤卧床頭著塵慘無光爛爛芙蓉花斑斑鵲鵲恥受佞
人污非干俠士將持以奉君子天廟肅冠裳無人且藏匣不
鳴固不傷

靈均擷衆草攬去蕢蕢施娟娟隱蘭芷臭味還相思結根于
蓬艾搖蕩不自持如何青青葉翻為不芳滋不芳何所歎物
理良難知

黃鵠羽燕譙卒荼勤有餘巢成驚其子不獲自晏如哀哉今
絳跗閣詩彙

下民此義竟忽諸羽翼幸得成誰與念厥初吾聞子曾子不
入勝母閭

紅蕉初開時乃在四三月遲開不自後鮮榮載霜發人情希
早妍共委芳草歇感汝一寸心不隨凋悴忽凋悴亦有時茲
焉勉其卒

雖刀弗言鄙賣漿弗言鹿結交藉其力何用章句儒強顏巧
言語執手立斯須別離會無幾前盟早已渝持謝媚學子舊
雨徒區區

獨漉

獨漉獨漉高山深谷我欲褰裳恐傷我足翩翩飛鳥亦各有
羣念此孤鴈顧影逐雲江有木蘭不言而芳長恐霜露其榮

姜黃憂來心醉不念渴飢停杯手劍慷慨淒其含沙射人孰
去其凶季女深閨執敬其躬起步中庭月落星寒緬爾昔人
何以得仙

登湖天海月閣

夕陽孤人心獨自投林際寒煙豁夷塗雲鳥煩從倚觀其起
滅時儵忽耳目異如彼萬象外虛白滿天地無由說寥廓冥
冥守此意

聞笛

風音轉幽細冷然送孤客草木氣浮動候蟲寂四壁夜久月
不生坐令空庭白人幽清耳目宵宵聞長笛一曲澹一心疏
淪杳無跡清淒滯歸鴻幽怨咽危石曲盡不知處寥寥有空
絳跗閣詩彙

碧

遊理安寺

兩山相表裏一水當其中我本窮途人遠來親玲瓏煩襟已
謝去耳目餘清空是時值春暮草樹含熏風高巖寫雲霧絕
矚眠蛟龍初疑路已斷俄而徑無窮忽聞疎鐘響古寺藏幽
峯竹間老比丘古貌顏色童繁花自灼灼幽艷明雙瞳我來
不忍去出山苦匆匆思欲削青竹綺語遠山翁謝安既千載
宗炳不更逢吁嗟乎山靈幾時豁天聰起攬二公祛躡盡名

山蹤

上已是日清明節

庭靜舞游絲芳草未初歇輕雲不作雨幽情屢興沒扶籬野

桃咲弄水蘭氣醇臨流或登高披襟間睇睨喬木帶遠村望
望自超越墓門起孤煙潭底開素月之子不我期何由采薇
蕨

雨中城南登塔

言懷萬里心直入飛鳥處遂不辭風雨因之絕頂踞雲煙無
變態多傍遠林護彷彿是虛舟徘徊帶歸路念此巔勢難
我神物故淒清目无悶孤寐如有悟嗒焉萬慮忘此景香難
慕

龍吟

風浪浪山蒼蒼中有神物隨飛揚天地杳冥遮扶桑吐出
沒吟江湘猛虎結舌不敢當羣魚潑刺驚且藏須臾風雨掃
絳澗閣詩彙

三 卷一

露坐聯句

大荒稿木靡草回膏肓功成身退非有望不露鱗甲何杳茫
我欲窮之浮大洋延平可望不可將

浩歌

虛堂兀坐悲秋客青燈不死動頷頷天根沈沈更漏殘慘澹
小蟲嘯古石桐風吹聲激壯士三復離騷冷詩魄不知何處
唱新詞搖蕩芙蓉秋水白

刈稻

薰葭好顏色夕露瀼瀼披百蟲愛靜夜幽人起中悲東帶塊

虛齋聞聲忽相思晨興者誰子荷鋤恐後時遠村昏曙煙涼
月懷寒安豈不感時節心苦桐風吹農事苟有秋我何所歎
咨

新安金叟惠絺衣二製

白葛含風軟中單入暑清稱身良自穩蒙德規無名蘿壁移
涼月桐花寫玉巵殷勤澣衣日倍見古人情

武林返棹

薰葭露零秋水高客衣漸薄西風號三聲兩聲度湖鴈哀鳴
顧影求其曹

梅花數

梅花真佳人臨水如面鏡竹閒沙潭清動影轉丰靚風烟各
絳澗閣詩彙

四 卷一

自在花水有餘映可憐雙老幹三見薰葦更誤落塵壙中婉
嬈不受橫無言古牆東淚洒春露淨時有鴉鵲兒兩兩嘯瘦
硬

幽趣

甸麥平于毯汀沙細侶毛舊巢仍社燕新水狎輕舸過雨移
紅藕迎風吐碧桃興餘無次坐纖月照春袍

過寶閣寺

霜落梧之黃木杪壯秋噫尋幽來古寺信往如脫械棕屨隨
莓苔翠角辨梵唄松枝威似虬石髮卷同蔓蕭瑟餘舊墨仰
視還次皆山僧亦解事見客少荒怪建茶殊可人秋色猶未
敗清言遠人心身在水精界揮手躡歸舟雲卧吸沆瀣

同唐丈武曾登烏鎮白蓮寺塔得望字

烈風怒掀掀落日寒蒼蒼放懷吞鴻濛近遠同一望北窺太湖水有如搖練光歸鳥四三點下與浮雲將既窮萬象外耳目恣清狂絕頂入暝色蹊蹊久低昂徑危不敢取重來盡滄

左家策歌錢氏書堂作

左花昔見歲丁亥清樽落日踈簾開及乎戊子來花下十日九雨酸風哀今年花發及零落三朶兩朶成枯荻遊蜂鬼蝶亦不至花意偃蹇棒管限有如病婢娟掩袂不肯前艷色恐非故生憐死相捐人間俯仰成烏有當時繁麗今衰朽勿嫌慘澹一枝春已自敷榮壓蒲柳

絳跼閣詩彙

五

卷一

孟夏讀書金銘寺

讀書叢竹下淪茗長松根涼氣先雨至清露封苔痕腐東甌詭聒恒苦無理喧念茲空堂幽足以滌心魂豈不樂愚賤亦傷天步艱孤煙澹晨夕廊郭如邱樊代耕規何辭力穡自古敦

紀夢作

清風不呼來如期有侶嘉客欣知歸掩闔明月自入榻作伴幽人娛夢思夜涼祇覺黑甜美夢隨蝴蝶翩翩飛清簾疎簾渺何許咫尺或是巫峯迷行歌自愛採赤箭花影卧地工紛披白雲千疊兩壁絕古牆飄飄跌白衣乃知仙人絕有韻幽閑娟妙無不宜外人學道專事猛剝形去皮如枯龜我生靈

絳跼閣詩彙

隨不經洗首重稽肯沾楊枝出山苦將舊遊記清景忍割雙

足遲流連山水亦成癖況結因想寧非癡樵人入山漁入浦桃花流水閒無時華胥鈞天同一覺無言有象須忘機褰衣倦夜書此紙俯見月落搖江難

小憩雙桂下

好風開蔚藍岬嶺坐深樾遙念六銖寒玲瓏摘秋月

杜若

女蘿被山阿麋蕪繞堂下同是諧騷經未若芳洲亞纖纖香風細紅豆紛秋夏念我同學人天末手難藉空餘蟋蟀吟零落隨長夜

菰

絳跼閣詩彙

六

卷一

青青稀菜甲土潤沐雨色行圖試手鋤生意頗鬱特筆之以鹽政綠葵香可逼我欲附美芹賤嗜羞悃悃從知養移體肉食者無墨

烈婦詩四首

烈婦王氏梅里人生年十八歸于丁六年夫病草氏先以身殉家人迹之井中卒年二十有四也

辨夜明星勸弋鳧玳瑁不惜脫羅襦只今行道潛然者解說

閨中濟粟無康熙四十八年禾中浮纖丁氏亦為捐粟烈婦實勸施焉

稚齒瑤環早受經宜人桃葉有佳聲風詩百五從伊讀若个言懷詠葛生

雉經絕粒舊曾聞一掬寒泉澣練帛欲比貞心井中水波瀾

七

不起答夫君

禽知江翼元相逐樹有交柯本自雙他日新篇傳樂府應將
長水竝盧江

雪佛同鈞亭先生作

同雲美畫晦冷氣吞朝嵐寧知水精域生面開瞿曇托身非
摩耶跣趺謝瓦龕咄嗟小兒嬉偏袒從和南劉元阿宜哥像
塑無與參眦此去雕飾紺目眉銑銑西來本無垢塵一豈所
堪凌晨掃寒影仰視天蔚藍

讀孟郊詩

東野窮不徹五十得一官行吟狎簿書出郭不整冠咸池三
百篇風景擢古肝或言層冰清亦謂萬松乾我疑蒼龍精颯

絳附閣詩彙

七

卷一

颯照匣寒

夏至日近郊散步

赤日下糞壤秧馬代短犁前聲續後聲村歌效吳姬始知心
地寬可以樂夏畦

苦雨經月常時所歷坦道悉成顛宸稍下則洿池矣行
者苦之感而有作

倏忽彌月雨坳堂長青莎孤咲續憂村酒傾已酤一部兩
部蛙斗上斗下坡深茲行旅艱喟彼匏葉歌

姑惡行

斑斑細雨檐花落林昏有鳥曉姑惡豈知倦夜宿孤燈新婦
機閒拋織作咄哉小鳥一何愚弗讐自己聲睢盱君不見海

畔魚名懶婦池邊葉號慈姑

馮試三讀書蛙硯齋為僧冬闔舊地

舊時文志論詩地幾許披衣愜素心一自清踪遺白日至今
壞壁想高吟排雲桐葉生前植沒辭碑辭冢畔尋念我宵分
讀書友屹聽鬼語出秋林

其屋半為
僧棺之所

贈旭公方丈

就李招提勝金銘最首稱湖天海月關掛錫有高僧竹柏寒
苔影風播古石稜不辭門十扣書幌舊分燈

漫與十首

太乙曾聞下九州光芒熊熊拂純鉤土花蒙碧深深卧百鍊
翻成繞指柔

絳附閣詩彙

卷一

笙等襟省不堪捫五十朱絃止睡昏苦調義心誰解得春風
斂手過齊門

鷓鴣歌眠蘸柳絲鷓鴣竝坐狎魚兒即看景小桃蟲鳥也向
深林借一枝

冷雨和雲抹絳紗中庭梅樹只槎枒抵緣桃李能爭艷催過
東風不放花

龍媒本出是龍池千里霜曉一日馳辛苦鹽車但垂首駑駘
羸得費瑕疵

軍容鷄犬閑魚麗劍戟森森豎翠旗慎莫與尸傳弟子未成
一戰挫熊羆

昨夜蜚廉鼓朔風明冰千疊闕龍宮赤鱗預恐飛春浪咫尺

波濤不得通

竹裏佳人倚窗賣珠那論直相交劇憐空谷無人問日暮

牽羅自摘茅

千梭騰擲出水綃繪就鯨魚撥怒潮不惜良工施巨手競憐

翡翠集蘭苔

重幃深下貯芳叢不信資施也入供一自三閭人去後涉江

若个采芙蓉

鶴潭云釣濯霧而錢成彩象聞雷而花入牙脫盡凡骨自成高勝

汎舟駕鵞湖

東湖西湖兩面平玻璃映徹重湖明湖中高樓矗天際煙鬟

一點當空撐去光滄海風力軟連雨不作平如剪落日輕舸

隨野鳬菰蒲深處飛霞捲須臾波浪騰昏黑榜人客子愁無

絳跼閣詩集

九

卷一

色咫尺陰晴何異時水深却恐魚龍得那知夜闌倒芳樽月

落激灩堆金盆清風瑟瑟攪衣袂聯拳宿鷺浮沙墩仰看風

雨亦何有有酒何妨還鼓缶中流歡咲聽更殘東方欲曙蒼

蒼寒

題顧叟村莊五首

秀麥光春服萊祠轉短垣野橋流水靜籬落祝雞啼竟散香

行園新霽影灌園理生端不佞敢薄小人樊

種樹書長把披衣客不違衆中嫌太樸人外愜忘機買藥教

兒去煎茶待婦歸倘編耆舊傳偕隱未全非

地幽暗下鳥水匝恣撈蝦圓老樹成繖日高峰放衙橋朱經

歲果梅白上番花暢好冬春候色香兩不賒

春日兼春水縈紆兩自遲嬌曉真恰恰疎翠未絲絲空見漁

初出爲開野馬吹一椽堪送老不藉草堂貴

剝啄已烹午來歸當暮天綠熏眠憤草涼破醉桃煙不暇尋

金谷居然近輞川自今幽興熟遊履會重穿

賦得雨中春樹萬人家 試帖

日暖青旂動陰鏡綺陌平春容連萬井叢薄倚層樞自昔循

時令於今樂阜成 闕廷端藻火霖雨叶淙琤上苑詔光媚

仙門淑氣迎綠幘三輔郭濃撲五陵費下杜桑麻潤新豐雞

犬拊幅員勤尉候聲教控蠻荆地軸規模壯天衢物色享萋

萋迷遠燒澤澤散寒畊布穀村村急提壺處處鳴杏枝繁侶

瀨菖葉容于擊點綴駢田麗睢盱夾道爭佳辰紛可悅鄉思

絳跼閣詩集

十

卷一

遯遯征旆旄嘉禾茂寧環秀水盈版圖稽楚越風俗接姪羸

飴老徵文獻鴻生冠組纓戟門森闕閭湘箔閨端姪海錯羣

飛膳溪毛覽薦羹玻璃攢玉腕金石富鯨鯨豚奔元相對牛

宮不礙振烟花針紫燕丹木韻鸛鵲摧秀栽桃李儲材薄柳

煙陽坡添果蓏以壤及蕭蘅博物懷鉛鋈探幽約柱石公輅

隨軟繡斗酒聽遷嬰不盡粉榆暗翻耒輻輳并隔塋過綠蟻

共巷賣香錫若爲傳神逸何當仿筆精坐看平促促駭矚詒

蘭蘭碧草遙結樹康座半入晴社公扶醉面羣女出桑情結

束衫兒官嬉遊艇子輕物華如此豔生態香難名信有乾坤

大從化被叭人和胥順則王道美由康藹藹仁風播壤壤

湛露明都俞陳雅頌鼓吹變韶齔茂對當春澤咸和自

帝京衣兼惠我邵伯正南行

徐侯齋先生畫芝扇

高絕先生不可攀詩題乞米落人間只今嘉遯羞黃綺
寒雲一抹山

古風一首奉酬吳商山先生

歙州冠東南山削水清激閒以磊落人三趾配鼎鑪知人獎
士氣確泌數歷歷我侯籍其州冠冕歛見鱗風節霍炳蔚英
采光均璫竭來龍泉巖敷淡不卷幘超然謝司業搏風奮一
擊廣陵秋濤壯浪拽浮彩艫翻飛向天路 咨往未奏勳乍
憐風俗疲甚旱魚及溺蒿目對隱民逋竄無接浙石壕何其
慘踏餐類虹霓遠郊嘯萑蒲傍舍疎羃歷淋淋河流濁悠悠
絳跼閣詩彙

士

卷一

學宮閭雙鳬來何暮捧此二尺檄挽騎驟條兒遮道走仙仙
賢侯試妙割如刀及奏君堂擁單父琴聲刺菜蕪慶安仁綏
槐濃愷之畫簾窳醜泉流清訟寡岍嶽剔政和協甘霖精
禱謝巫覡魁彼枯槁聲肝胝避炎歷蘇枯先種桂吐秀及苔
藹秋霜魚春日美政誰與敵四鄙自清寧公晏少運氣對酒
招蟾蜍時花擘蓮葯論文導其源鳴鶴有明的從容退食餘
重以斯文洩刮磨判圭璋陶冶出金錫生也首披揀終自愧
沙磧羈孤風伶俜北堂事紡績辛勤空長大散木等樽櫟
睽睽燈下琴琴街鼓擊破硯不救飢丹鉛已成黷三年成蹊
頓辱馬尾焦燉扶搖豈不大風急轉退鷄秋來淚斑斑春至
心戚戚狂鬼恣挪揄困獸還踈踈華蟲本野伏朝扇著聲翟

蹠洛一掬水壘洗沾漉漚豈乏九方臯刻雖出驚樞檢點一
篋書不忍遂墻壁奉桐鸞所求巖桂觀所覩食芥鹿呦呦公
入不私親參苓藥籠收桃李門庭杓來歸當入賀琳琅舞干
鉞空谷有幽蘭娟娟寒露滴不言羞自獻付與靈均摘夫豈
不芳馨但恐先鷄鵲

賦得三星在戶

北牖斜臨斗南檐早挂箕人間良夜半天外玉繩移少露征
夫色殘燈少婦思娟娟鉤影已歷歷點成心倚幌他時淚還
家昨夢遲重門局不得留與此心期

南天竺三生石

疎竹雨添翠滾峯秋更青來尋石門磣未識香林亭白石午
絳跼閣詩彙

士

卷一

不到清齋人獨醒葛洪有丹井乞取問修齡

明網上人十六羅漢畫扇

聞說天台最真頂仙人五百上焚修不知何處落寒影白石
松根恣意留

于忠肅公祠敬賦

伊昔汾陽駕由來奄尹親漫言輕奮武不分暫蒙塵端本須
長策憂時小大臣請和懲透渡一貳却羸秦斥堠烽還警朝
廷氣已新曉檜紛掃柄日月重扶輪可惜雲龍續從教瘼狗
狎指揮中律勇決遜如神慘淡風煙合蒼黃血淚頻驚鷺
水上元鴻鵠雪中馴遺像禁祠古高墳信國隣側巾當落照
遵渚薦秋蘋赤地看成碧扁舟咲憶尊猶聞商廟畧颯颯動

麒麟公授命之日都人語曰鸞鸞水上走何處尋魚鰾又自
建文三祠祠于左界

秀姑坊

炎風六月得清涼一曲荷花到處香
婆女星輝照南北露筋祠與秀姑坊

東鄭叟行人司雨隨公之子

日耀五升米年侵雙鬢絲阿誰羊舌泣依舊虎頭癡
為斷風塵枉用細練帶寒色苦惆悵綠窗詞叟所

吳偉劉海蟾像

眼如箕齒如貝直為履荷為佩舉乾咲何所思觀者却顧
狂而癡勿嫌落難中剖蓮心豈不聞莊叟仙手肯許落吾

絳附閣詩彙

三

卷一

手願取天漿傾八斗

月溪清淺圖

初生月魄光不流溼銀寒浸珊瑚鉤綠衣且喜未驚覺容我
夢中來卧遊

三友歌為筠亭先生作

三友者何名花也圖書也佳茗也先生中歲鄉居泊
然無所樂相與過從者村夫子農丈人而已齋之中
爐烟颺于竹屋花當帖以藥欄書則左右是設不必
汙以庫也手澤猶存不必續以新也暇則倚樹而吟
自謂出門而求友則不足若神交于庭內茲亦自忘
其老矣為作三友詩以進之

絳附閣詩彙

空山兮鳥鳴嶽嶽兮丁丁懷人兮天際不如一室兮膠漆契
花塢兮輝煢攜甌犧兮汎春泉讀書兮花下邀詞客兮茶仙
清齋兮酒山磐兄兮海棠友九錫兮五宜翻令曲兮賦新
詩插架兮堂上芳菲兮堂下草木史兮煮茶經廣愛注兮爾
雅

郭元瑾畫竹二首

燕乳雞雛拆筍時曉煙宿雨放梢遲無因領取嬋娟忘明眼
偏輸老畫師

一枝兩枝有餘趣半稚半枯無點埃多事當年杜陵叟慙慙
臘月更須裁

羅浮蝴蝶歌寄朱樹莘先生時客嶺外

絳附閣詩彙

五

卷一

吾聞南海羅浮之兩山山中蝴蝶多斑斕其間大者名鳳子
什什伍伍明霞餐青紅碧綠各生態文章黼黻饒奇觀一朝
西風剪木葉雲母輕盈抱山脅麻姑席幅葛翁衣寂寞鈴鐺
疇一捻飛飛在處生麥蛾白黃粉墨亂青莎等閑宿入金鈴
底珎重時邀統扇過人生窮達亦如此惡者自惡美自美敵
帚時來千黃金萬言不及一杯水故鄉不遇走飄飄白眼誰
憐我道窮而北東西師友散翻憐鳳子共山中

述懷十一首

我愛八極遊飛龍不羈控一夕起閭風造化巧搏弄左塞木
公裾石躡金母銜飲漿白鵲血濯足乳牛渾沙蟲猿鶴軍尸
解足驚眾陋儒不曉事訟等蕉鹿夢焉能從化人目短九州

貢

沐猴弼土牛黠鼠銜黃薑取舍兩不諧擾擾如風狂北溟鯨
所息上水鵲所藏奈何貴苟得買策飛榆枋聊且樂時命天
道非茫茫

菱笠鉅耨科弓盧陶旋段碑礪瑪瑙珠魚荈鹽豉蒜農商賈
百工恒業各不亂壯哉田舍翁緡錢腰萬貫朝為收豕兒暮
籍五花判翼囂陋巷子文史窮汗漫危言軋蒼旻側眈立崖
斤縑塵多眯眼以古渺華煥不如且棄去毋為指風漢

金錫上吳粵橘柚包江淮地氣使之然反之良恐乖昔賢吁
異俗嬉戲為俳諧不聞桑梓間可怪不可借茲材實晉用和
璞終荆埋拂拭古所難我何愁束柴

絳跼閣詩臺

圭

卷一

取馬貴盡長辟之能得士管青相贖胸寒風相口齒相頰則
麻朝相尻則許鄙最後九方臯神遇略形似蟻封穩行步瞬
息已千里可詫者皮相具體飾觀美所以鹽車中垂首多綠
耳

天鳥從何來十將五五雖生八九雛一氣同華乳其性鍾
陰賊其類逐臭腐不臣羞驚驚巧言恣鸚鵡聞之周官禮赤
爰走狸蠱恐當斂日中物彫亂震寓列星書四七枉矢毒于
弩一雛既斲頸衆雛免跋扈惜哉時難乘豈謂力不武

東市售賣鼎西市賣飲羊巷南魔合羅巷北犧青黃市者一
何衆賂買信無良亦不恨竊買所悲市者儀赤文珊瑚鉤價
直百千強敦医光罔罔足以薦巖廊掉頭不反顧毋乃各肺

腸

燈昏不肯卧日昃不遑飯蟬蠹費商榷糟粕煩討論鍾繇投
筆肘左心側藩瀾刻楮信無功畫蛇徒取鈍東家急就章拾
紫如手券岑樓雖言高齊未報方寸

矯矯清露禽飄然下幽林朱冠高岌岌縞帶寒森森清浥洗
人耳當春叩商音乘之以高軒豈謂力不任性濁考雄鳩謠
詠以善淫果自無幾何搖蕩主人心一舉泛滄海誰能量淺
深

其雨何淫淫昨日去已多舊亦不我過新亦不我過結交異
窮達念此雙滂沱孤斟已醅酌對酒還當歌頽然玉山倒擲
揄者誰何

絳跼閣詩臺

圭

卷一

載道以文章端不係高爵雕蟲與雕龍細大隨迷作虞卿亦
窮愁子雲元寂寞古之傳經人不比求仲雙俗儒陋文義咬
口不耕獲文衣裏頑癡無異犬羊肆吾徒幸無事聖籍須索
篇山雞毛羽鮮霧豹文蔚霍凡物且猶爾人可不疏淪誰與
能助我雞鳴慰離索徐世起云五古漢魏則傷氣流炎則無
味若此源本樂府而運以才思故應祖
孫鮑謝

讀十六國春秋七首

六聘高風颯誰誥在豆田伏尸來藏戶枉殺講堂賢前趙霍
原趙霍
美女鴟亡刀真趣不可奪土床甘裸寢牛負等解脫後趙楊
大臨辛
處道懷高尚遺榮竟蔑如果然工措法看付奴奴書後趙辛
嗜殺何時已乾坤醉未醒神通甦小劫故現佛圓澄佛圓澄

鑿穴東陽谷樓神倒虎山姚甚竟何事小債未曾還前秦王廬墓二年禮翔鴻未可籠儒仙藏璣露千載企臨松涼郭最晨一枚錫此是波若眼藉君作津梁慎莫測修短南梁沙門雲霍

書太史朱竹垞先生曝書亭彙後 近遊集

大雅嗟淪喪斯文墜渺茫虞山難接席倦圃已云亡復此風流盡誰憐著述荒一編雖在手吟咏轉淒涼

詩筆源經術風騷邁沈任黃金輕郭隗國士得淮陰 錫子

榮三接文章誓一心蛾眉易謠詠蕭瑟卧江潭

身退名仍著經傳道更尊閑門多歲月同社燕雞豚松菊開三徑江閩賦小園遺書藏滿篋能讀有文孫

再題二首

絳附閣詩彙

十七

卷一

五日張京兆三生杜牧之江南斷腸句主簿定情詩阮籍無

端哭長康故是癡國風元好色屈宋是吾師

老賣長門賦貧嗟中路微出山憐白髮舊巷改烏衣玉尺誇

無敵金閨賞不稱秋天虛翠外悵望故園微

題唐六如藍閣偕宿園

堦前敗葉逐風呼枕畔驚泉響石鹿蕪是隔牆嘶毛尾可能穩夢到家無

鴨脚歌黃障遠峯乳毛翻露滴莎蛩西風一夜板橋去搖落

滿山迷舊蹤

春日館主人汪氏邀遊西山集杜十首

寂寥書齋裏應耽野趣長竹高鳴翡翠沙暖睡鴛鴦徑轉山

絳附閣詩彙

田熟風生錦繡香卜居意未展叩壑道難忘

結東多紅粉堪留衛玠車未成游碧海直欲汎仙槎有徑金

沙軟無村眺望賒如行武陵暮但恐失桃花

勝地初相引花邊行自遲汎舟慙小婦解水乞吳兒步屨深

林晚長吟野望時一叩藏曲折少有外人知

枕簟入林僻潛通小有天翠乾危棧竹白種陸池蓮不願論

簞笻祇應學水仙看花雖郭外難見此山川

野寺江天豁山因細路高會當凌絕頂直欲數秋毫柳影含

雲暮墻頭過濁醪匣琴虛夜夜未與俗人操

近接西南境深藏數十家水花分塹弱輕燕受風斜洗杓開

新醺傾壺就淺沙何時占葉竹爛醉是生涯

絳附閣詩彙

十六

卷一

今日明人眼連山望忽開見輕吹鳥毳隨意坐莓苔徑石相

縈帶扁舟任往來出門流水住頻為草堂回

登臨多物色不與故園同野寺垂楊裏江流宿霧中潛鱗輸

駭浪喬木易高風與煙霞會寧辭酒盞空

白日遙隱見人煙時有無野橋分子細空翠撲肌膚易下楊

朱淚茫然阮籍途江山如有待整屐步青蕪

風磴吹陰雪山籬帶白雲衆香深照點佳氣日紛紛本作氣一作

紛紛釣艇收簪盡鶯啼送客聞入舟翻不樂何處出塵氛

山塘寒食

好雨新晴踏燒痕百年令節未須論短長風柳灣環水高下

煙花款乃邨荆楚紀時當火令勾吳遺俗開金樽紅樓艷咲

疎簾出白舫笙歌舊曲翻幾處屢娃來織里更看國部過瞿
門山橋野店爭轆轤後至前驅肅駿奔短簿可憐迷手板季
鷹也自引珠幡春秋蘭蘼元終古寂寞無人續禮魂

清嘯檐看玉蘭花

暮春剛值三月三十字津頭踏青滿誰當令節不出遊謝去
生徒鍵空館勺藥抽芽未可贈蘭草微芳寧足斲竭來直指
清嘯檐辛夷一樹斜暉暖錯疑玉皇香案前散擲萬床玳瑁
管或云羣仙瑤池上遺下千鍾白玉碗團圓足供幽士卧賦
媚尤為老物罕即如虎邱鄉一本年多風雨枯枝幹千仞名
材蒙下餘百年奇木溝中斷此株誰庇竟晏然靜閱高陵換
平坦雲亭玉立豈易得有酒何妨窮燕衍城頭纖月已離箕

絳野閣詩案

元

卷一

明日揚沙迷町疇徐世起云
高唐殆宕

題畫

寒衛可憐禿尾羸童如此聯拳莫是襄陽耆舊犯寒來聳吟
肩

溪行十里五里路指前村後村假若按肌不粟何妨待月黃
昏

滄浪亭

風流蘇學士亭構此雲封窈窕步磻上漣漪潭水鐘花濃碧
瑪瑙山霽青芙蓉惆悵城南別斯遊何日重

帝刺史祠題壁

日午城南隅來謁刺史祠蘇州妙為政擢秀嫵婢妾有時集

文繼畫戟清香隨公真遺逸公九十老不衰胸中本澄澹風
雅絕可師知非內熱人強吟冰雪詞沐猴戴母頤嫺母效先
施曾聞語清畫標格須自為書牆志夙暮兼告時賢知時賢
未必聽吾自吟我詩

重憶趙叟餘村

耆舊老子于詩音書不可知兩昏紅豆底長日暗相思

吳趨

吳趨古讓國禮教開江東仁義有季子文學有言公荒哉王
夫差坐占東南雄豬墳共豆園鴨城逮牛宮宣淫姑胥臺荒
宴君臣同毒流百萬家歌舞成巫風衣裳必麗都飲食羅珍
豐彩黛飾窮檐文馬馳明童瘠土民嚮義沃土不封終江河

絳野閣詩案

廿

卷一

日滔滔流下誰能窮尚期挽狂瀾一見至德隆

荆人却河崇魯語垂爰居諂祭豈徵福祀典亦有初彼氓亦
何知淫祠事繁紆春歌集壇壝前呼走臺輿鹵簿紛且長雲
旂翩以舒青袍何活脫手板迎趨趨神官尚簡穆陋俗堪軒
渠我詩近呻吟或使衆感祛

積雨

幾日不行小徑微牆上綠遍莓苔衣已涼枕簟坐無寐瞥見
草中螢火飛
吳儂結宅臨江濱買魚論斗酒論斤昨夜水添剛一尺网魚
沽酒請比隣

水中閣閣私蝦蟇巢底翻翻飢老鴉高荷大芋聽來厭愁滴